

ԳԻՏԱԿԱՆ ԵՎ ԳԻՏԱՏԵԽՆԻԿԱԿԱՆ ԳՈՐԾՈՒՆԵՈՒԹՅԱՆ ԵՆԹԱԿԱՌՈՒՑՎԱԾՔԻ ՊԱՀՊԱՆՄԱՆ ՈՒ ԶԱՐԳԱՑՄԱՆ ԾՐԱԳՐԻ ԻՐԱԿԱՆԱՑՄԱՆ ՀԱՄԱՐ ՊԵՏՈՒԹՅԱՆ ԿՈՐՄԻՑ ԴՐԱՄԱՇՆՈՐՀԻ ՁԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ

ք. Երևան

«27» 01 2022թ.

Հայաստանի Հանրապետության գիտությունների ազգային ակադեմիայի նախագահությունը, ի դեմս ՀՀ ԳԱԱ նախագահ Աշոտ Սաղյանի (այսուհետ՝ ՀՀ ԳԱԱ), որը գործում է ՀՀ ԳԱԱ կանոնադրության հիման վրա, մի կողմից, և ՀՀ ԳԱԱ Արևելագիտության ինստիտուտ ՊՈԱԿ-ը (այսուհետ՝ Կազմակերպություն), ի դեմս տնօրեն Ռոբերտ Ղազարյանի, որը գործում է Կազմակերպության կանոնադրության հիման վրա, մյուս կողմից (այսուհետ՝ միասին՝ Կողմեր), հիմք ընդունելով Հայաստանի Հանրապետության կառավարության 2001 թվականի նոյեմբերի 17-ի N 1121 որոշումը (այսուհետ՝ Որոշում), «Հին, միջնադարյան և նոր շրջանի արևելյան աղբյուրները Հայաստանի և հայերի մասին: Թուրքիայի, Իրանի, Կովկասի և Մաշրիքի արաբական երկրների քաղաքական, սոցիալական, մշակութային և էթնիկական պատմության հիմնախնդիրները և Հայաստանը: Միջազգային հարաբերությունները Մերձավոր և Միջին Արևելքում, Արևելյան Ասիայում, Հարավային Կովկասում և Հայաստանի Հանրապետությունը» ծրագրի (այսուհետ՝ Ծրագիր) իրականացման նպատակով կնքեցին սույն պայմանագիրը (այսուհետ՝ Պայմանագիր)՝ հետևյալի մասին.

1. Պայմանագրի առարկան

1.1. Պայմանագրով ՀՀ ԳԱԱ-ն պարտավորվում է ծրագրի իրականացման նպատակով Կազմակերպությանը հատկացնել Հայաստանի Հանրապետության 2022 թվականի պետական բյուջեով նախատեսված 145.229.100 (հարյուր քառասունհինգ միլիոն երկու հարյուր քսանինը հազար հարյուր) ՀՀ դրամ գումար, իսկ Կազմակերպությունը պարտավորվում է Ծրագիրն իրականացնել Որոշմամբ և Պայմանագրով սահմանված կարգով:

1.2 Պայմանագրի գնի մասին համաձայնության արձանագրությունը, Ծրագրի առաջադրանքը, *այդ թվում՝ նպատակը*, օրացուցային պլանը, *այդ թվում՝ ակնկալվող արդյունքները, դրանց որակական և քանակական ցուցանիշները*, նախահաշիվը և կատարողների մասին տեղեկությունները ներկայացված են Պայմանագրի հավելվածներում:

2. Կողմերի իրավունքները և պարտավորությունները

2.1 ՀՀ ԳԱԱ-ն իրավունք ունի՝

2.1.1 Կազմակերպությունից պահանջելու կատարել Պայմանագրի 2.4 կետով նախատեսված պարտավորությունները,

2.1.2 ցանկացած ժամանակ ստուգելու Կազմակերպության կողմից իրականացվող Միջոցառումների ընթացքը և որակը՝ առանց միջամտելու վերջինիս գործունեությանը,

2.1.3 չընդունելու իրականացված Միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և Կազմակերպությունից պահանջելու վճարել Պայմանագրի 6-րդ մասով նախատեսված տուգանքը,

2.1.4 առանց իրականացված Միջոցառումների արդյունքների դիմաց գումար տրամադրելու՝ միակողմանի լուծելու Պայմանագիրը և պահանջելու հատուցել պատճառված վնասները, եթե՝

2.1.4.1 Կազմակերպությունը ժամանակին չի սկսում Ծրագրի իրականացումը, կամ Ծրագրի իրականացման ժամանակ ակնհայտ է դառնում, որ այն պատշաճ չի իրականացվելու,

2.1.4.2 Կազմակերպությունը երկու և ավելի անգամ խախտել է Ծրագրով նախատեսված Միջոցառումների իրականացման ժամկետները (նախատեսված լինելու դեպքում),

2.1.4.3 իրականացված Միջոցառումները չեն համապատասխանում Ծրագրով սահմանված պահանջներին,

2.1.5 Պայմանագիրն օրենքով կամ Պայմանագրով նախատեսված հիմքերով լուծելու դեպքում պահանջելու իրեն հանձնել անավարտ Միջոցառումների արդյունքները:

2.2 Կազմակերպությունն իրավունք ունի՝

2.2.1 ՀՀ ԳԱԱ-ի կողմից գումարները չվճարվելու դեպքում միակողմանի լուծելու Պայմանագիրը և պահանջելու հատուցել իրեն պատճառված վնասները,

2.2.2 Ծրագրի կատարման համար, օրենսդրությամբ սահմանված կարգով, ներգրավելու երրորդ անձանց,

2.2.3 ՀՀ ԳԱԱ-ի գրավոր համաձայնությամբ այլ կազմակերպություններին հանձնել կատարված աշխատանքների արդյունքները:

2.3 ՀՀ ԳԱԱ-ն պարտավոր է՝

2.3.1 Ծրագրով նախատեսված դեպքերում աջակցել Կազմակերպությանը,

2.3.2 ընդունել համապատասխան որոշում՝ իրականացված Միջոցառումների մասին ներկայացված տարեկան հաշվետվության վերաբերյալ,

2.3.3 ստուգել ու ամփոփել Կազմակերպության կողմից Ծրագրի իրականացման ենթակա գործառնությունների գծով ձեռք բերված քանակական ու որակական ցուցանիշների վերաբերյալ տեղեկությունների հիման վրա հաշվարկված գումարի չափի մասին հաշվարկները և իր եզրակացության հետ միասին դրանք ներկայացնել Հայաստանի Հանրապետության ֆինանսների նախարարություն՝ վերջինիս կողմից սահմանված կարգով և ժամկետներում:

2.4 Կազմակերպությունը պարտավոր է՝

2.4.1 Ծրագիրը կատարել անձամբ,

2.4.2 Ծրագիրը կատարել առաջադրանքին համապատասխան և դրա արդյունքը ՀՀ ԳԱԱ հանձնել սահմանված ժամկետում,

2.4.3 Պայմանագրով նախատեսված ֆինանսական միջոցներն օգտագործել Ծրագրով և Պայմանագրով սահմանված նպատակներով ու չափաքանակներով,

2.4.4 կատարել ՀՀ ԳԱԱ-ի կողմից բացահայտված թերությունների վերացման նպատակով տրված ցուցումները,

2.4.5 աշխատանքի ակնկալվող արդյունքի ստացման անհնարինության հայտնաբերման կամ աշխատանքը շարունակելու աննպատակահարմարության մասին եռօրյա ժամկետում տեղեկացնել ՀՀ ԳԱԱ-ին,

2.4.6 ՀՀ ԳԱԱ ներկայացնել հաշվետու ժամանակաշրջանում Պայմանագրի շրջանակներում վճարման գումարի չափի վերաբերյալ հայտ (այսուհետ՝ Հայտ)՝ մինչև հաշվետու ամսվան հաջորդող ամսի 10-ը: Հայտում նշվում է Պայմանագրի շրջանակներում Կազմակերպության կողմից ծրագրի իրականացման ենթակա գործառույթների գծով ձեռք բերված քանակական ու որակական ցուցանիշների վերաբերյալ տեղեկություններ և դրանց հիման վրա հաշվարկված գումարի չափի մասին մանրամասն հաշվարկներ,

2.4.7 Պայմանագրի նախահաշվում ֆինանսական ցուցանիշներից շեղումների դեպքում ՀՀ ԳԱԱ ներկայացնել հիմնավորում,

2.4.8 իրականացնել Ծրագրի շրջանակներում ՀՀ ԳԱԱ-ի կողմից տրամադրված գումարների՝ Հայաստանի Հանրապետության օրենսդրությամբ սահմանված հաշվապահական հաշվառում,

2.4.9 Ծրագրի ավարտից հետո ՀՀ ԳԱԱ ներկայացնել միջոցառումների իրականացման մասին տարեկան հաշվետվություն՝ դրան կցելով գիտական ծրագրի հաշվետվության հանձնման-ընդունման արձանագրություն,

2.4.10 Պայմանագրի գործողության ընթացքում ապահովել Ծրագրի իրականացմանը վերաբերող փաստաթղթերին ծանոթանալու ՀՀ ԳԱԱ-ի հնարավորությունը,

2.4.11 Ծրագրի իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» Հայաստանի Հանրապետության օրենքով սահմանված կարգով՝ պետության կարիքների համար կատարվող գնումների կանոններին համապատասխան,

2.4.12 Պայմանագրով նախատեսված միջոցառումների իրականացման արդյունքում առաջացած տնտեսումները/խնայողությունները վերադարձնել Հայաստանի Հանրապետության պետական բյուջե՝ ոչ ուշ, քան մինչև ընթացիկ տարվա դեկտեմբերի 25-ը:

3 Ծրագրի ֆինանսավորման չափը

Ծրագրի ֆինանսավորման չափը կազմում է 145.229.100 (հարյուր քառասունհինգ միլիոն երկու հարյուր քսանինը հազար հարյուր) ՀՀ դրամ:

4 Մոնիթորինգ

4.1 ՀՀ ԳԱԱ-ն ցանկացած ժամանակ կարող է իրականացնել մոնիթորինգ՝ ուսումնասիրելով Ծրագրին առնչվող փաստաթղթեր և նյութեր:

4.2 Մոնիթորինգն իրականացվում է համաձայն Հայաստանի Հանրապետության կրթության, գիտության, մշակույթի և սպորտի նախարարի 20.05.2020 թվականի N 638-Ա/2 հրամանով հաստատված «Հայաստանի Հանրապետության պետական բյուջեի ֆինանսավորմամբ

իրականացվող գիտական և գիտատեխնիկական գործունեության ծրագրերի և թեմաների մշտադիտարկման կարգի»:

5 Վճարման կարգը և ժամկետները

5.1 ՀՀ ԳԱԱ-ն Կազմակերպությանը վճարումները կատարում է Հայտն ընդունելու օրվան հաջորդող 20 աշխատանքային օրվա ընթացքում, եթե Ծրագրով սահմանված չեն վճարումների կատարման այլ կարգ և ժամկետներ:

5.2 ՀՀ ԳԱԱ-ն Պայմանագրի գինը վճարում է Պայմանագրում նշված Կազմակերպության հաշվարկային հաշվին փոխանցելու միջոցով, որն ըստ եռամսյակների բաշխվում է հետևյալ կերպ. բյուջետային տարվա 1-ին եռամսյակում՝ 20 տոկոս, 2-րդ եռամսյակում՝ 25 տոկոս, 3-րդ եռամսյակում՝ 25 տոկոս, 4-րդ եռամսյակում՝ 30 տոկոս:

6 Կողմերի պարտասխանատվությունը

Պայմանագրով և Ծրագրով նախատեսված պարտավորությունների չկատարման կամ ոչ պատշաճ կատարման դեպքում Կազմակերպությունը պարտավորվում է փոխհատուցել չիրականացված Միջոցառման չափով և վճարել տուգանք՝ չիրականացված Միջոցառման համար նախատեսված գումարի 1 տոկոսի չափով: Ընդ որում, տուգանքի վճարումը Կազմակերպությանը չի ազատում իր պարտավորությունները կատարելու և խախտումները վերացնելու պարտականությունից: ՀՀ ԳԱԱ-ն սույն կետով նախատեսված գումարները հաշվարկում և հաշվանցում է Կազմակերպությանը վճարվելիք գումարներից:

7 Պայմանագրի գործողության ժամկետը

Պայմանագիրն ուժի մեջ է մտնում Կողմերի ստորագրման պահից և գործում է մինչև Կողմերի ստանձնած պարտավորությունների՝ ամբողջ ծավալով կատարումը:

8 Անհաղթահարելի ուժի ազդեցությունը (ՖՈՐՄ-ՄԱԺՈՐ)

Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար Կողմերն ազատվում են պարտասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է Պայմանագիրը կնքելուց հետո, և որը Կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում Պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա Կողմերից յուրաքանչյուրն իրավունք ունի լուծելու Պայմանագիրը՝ դրա մասին նախապես տեղյակ պահելով մյուս կողմին:

9 Եզրափակիչ դրույթներ

9.1 Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են Կողմերի կողմից:

9.2 Պայմանագիրը կնքվում է երկու օրինակով, որոնք ունեն հավասար իրավաբանական ուժ: Յուրաքանչյուր կողմին տրվում է Պայմանագրի մեկ օրինակ: Պայմանագրի անբաժանելի մասն է Կազմակերպության կողմից ՀՀ ԳԱԱ ներկայացված Ծրագրի հայտը:

9.3 Պայմանագրով նախատեսված պարտավորությունների չկատարման հետ կապված, ինչպես նաև Պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

10 Կողմերի հասցեները, բանկային վավերապայմանները և ստորագրությունները

ՀՀ ԳԱԱ արևելագիտության ինստիտուտ ՊՈԱԿ

Ք. Երևան, Մ. Բաղրամյան 24/4

ՀՎՀՀ 00009554

Երևանի թիվ 1 զանձապետական բաժանմունք

Հ/Հ 900018005299


ՀՀ ԳԱԱ նախագահություն

ք. Երևան, Մ. Բաղրամյան պող., 24

Հ/հ 900011024115

ՀՀ ՖՆ գործառնական վարչություն


Նախագահ՝


(ստորագրություն)

ԱՇԽԱՏԱՆՈՒՄ



Տնօրեն՝



(ստորագրություն)

ՌՈՒԲԵՐՏ ՂԱԶԱՐՅԱՆ

(անուն, ազգանուն)



Ծրագրի գիտական ղեկավար՝


(ստորագրություն)

(Ռուբերտ Ղազարյան)

(անուն ազգանուն)

ԱՐՁԱՆԱԳՐՈՒԹՅՈՒՆ
ՊԱՅՄԱՆԱԳՐԻ ԳՆԻ ՄԱՍԻՆ ՀԱՄԱՁԱՅՆՈՒԹՅԱՆ

Մենք՝ ներքոստորագրյալներս, ՀՀ ԳԱԱ նախագահ Աշոտ Սադյանը և Կազմակերպության տնօրեն Ռոբերտ Ղազարյանը, վկայում ենք, որ Կողմերը համաձայնություն են ձեռք բերել «27» 01 2022 թ. N 6-20 պայմանագրով աշխատանքի գնի վերաբերյալ՝ 145.229.100 (հարյուր քառասունհինգ միլիոն երկու հարյուր քսանհինգ հազար հարյուր) ՀՀ դրամ գումարի չափով:

Սույն արձանագրությունը հիմք է Կողմերի միջև փոխադարձ հաշվարկների և վճարումների համար:


ՀՀ ԳԱԱ նախագահություն

ՀՀ ԳԱԱ արևելագիտության ինստիտուտ

Նախագահ՝

Տնօրեն՝


(ստորագրություն)
ԱՇՈՏ ՍԱԴՅԱՆ



(ստորագրություն)
ՌՈԲԵՐՏ ՂԱԶԱՐՅԱՆ


ԱՌԱՋԱԴՐԱԼՔ

«Հին, միջնադարյան և նոր շրջանի արևելյան աղբյուրները Հայաստանի և հայերի մասին: Թուրքիայի, Իրանի, Կովկասի և Մաշրիքի արաբական երկրների քաղաքական, սոցիալական, մշակութային և էթնիկական պատմության հիմնախնդիրները և Հայաստանը: Միջազգային հարաբերությունները Մերձավոր և Միջին Արևելքում, Արևելյան Ասիայում, Հարավային Կովկասում և Հայաստանի Հանրապետությունը»,
ծրագրի (այսուհետ՝ Ծրագիր)

1. Աշխատանքի կատարման հիմքը՝ Հայաստանի Հանրապետության 2022 թվականի պետական բյուջե:

2. Աշխատանքի նպատակը (1 պարբերություն):

Ներկայացնել և վեր հանել Թուրքիայի, Իրանի, Կովկասի և Մաշրիքի արաբական երկրների քաղաքական, սոցիալական, մշակութային և էթնիկական պատմության հիմնախնդիրները, ինչպես նաև ուսումնասիրել մերձավորարևելյան, արևելասիական և հարավկովկասյան աշխարհաքաղաքական համակարգը, նրա երեք՝ մերձավորարևելյան (արաբական երկրներ, Թուրքիա, Իրան), արևելասիական (Չինաստան, Հնդկաստան, Ճապոնիա) և այսրկովկասյան (Վրաստան, Ադրբեջան) բաղկացուցիչները, միջազգային և տարածաշրջանային հարաբերությունները, ցույց տալ ռազմավարական բնույթի տեղաշարժերը և նոր, գլոբալ իրողությունների հաստատումը և դրանց ազդեցությունը Հայաստանի Հանրապետության վրա: Խնդիր է դրվում նաև ուսումնասիրել և ներկայացնել հին, միջնադարյան և նոր շրջանի արևելյան աղբյուրները Հայաստանի և հայերի մասին:

3. Աշխատանքին ներկայացվող հիմնական պահանջները (մինչև 1 էջ):

- Մերձավոր ու Միջին Արևելքի (Արևմտյան Ասիայի) երկրների ներքին կյանքի՝ հասարակական-քաղաքական և սոցիալ-տնտեսական զարգացման հիմնախնդիրների ուսումնասիրությունն ունի գիտական և քաղաքական կարևորություն: Միաժամանակ հարկ է նշել, որ Իրանի, Թուրքիայի և արաբական երկրների քաղաքական, հասարակական, սոցիալ-տնտեսական զարգացման օրինաչափությունների բացահայտումը՝ յուրաքանչյուր երկրի յուրահատկությունները հաշվի առնելու հիմքի վրա, հանդիսանում է արևելագիտության առջև կանգնած առանցքային հիմնախնդիրներից մեկը: Հարկավոր է ուսումնասիրել Մերձավորարևելյան, Արևելասիական և Այսրկովկասյան աշխարհաքաղաքական համակարգը, նրա երեք՝ Մերձավորարևելյան (Արաբական երկրներ, Թուրքիա, Իրան), Արևելասիական (Չինաստան, Հնդկաստան, Ճապոնիա) և Այսրկովկասյան (Վրաստան, Ադրբեջան) բաղկացուցիչներ, միջազգային և տարածաշրջանային հարաբերությունները, ցույց

տալ ռազմավարական բնույթի տեղաշարժերը և նոր գլոբալ իրողությունների հաստատումը: Կքննարկվեն այդ երկրների արտաքին քաղաքականության հանգուցային հարցերը:

- Այդ հիմնախնդիրների լուսաբանության մեջ կարևոր տեղ կհատկացվի քաղաքական, տնտեսական, ռազմավարական և միջազգային գործոնների ուսումնասիրությանը, որոնք ներազդում են աշխարհաքաղաքական համակարգի ձևավորման վրա և առաջացնում գլոբալ բնույթի տեղաշարժեր:
- Հատուկ ուշադրություն պետք է դարձվի Հայաստանի Հանրապետության՝ որպես անկախ պետության միջազգային ասպարեզում հայտնվելուն, նրա քաղաքական և տնտեսական հարաբերությունների հաստատման ու զարգացմանը աշխարհաքաղաքական այդ համակարգի երկրների հետ, կուսումնասիրվեն նրա միջազգային և տարածաշրջանային գործոնի վերաձվելու օրինաչափությունները: Ցույց կտրվի այս ուղղության ուսումնասիրության գիտական և քաղաքական կարևորությունը Հայաստանի համար, քանի որ սա անմիջականորեն առնչվում է Հայաստանի Հանրապետության ազգային անվտանգության, սոցիալ-տնտեսական զարգացման և միջազգային ու տարածաշրջանային հարաբերություններում նրա տեղի ու դերի կենսական կարևոր խնդիրների հետ: Հատուկ ուշադրություն կդարձվի վերոհիշյալ հիմնախնդիրներին վերաբերող սկզբնաղբյուրների հայթայթմանը և նրանց մասնագիտական ուսումնասիրությանը:
- Խնդիր է դրվում ուսումնասիրել նաև հին արևելյան աղբյուրների երկու խումբ՝ հինարևելյան սեպագիր աղբյուրներ և հինարևելյան նարատիվ՝ պատմողական աղբյուրներ: Մյուս կարևոր խնդիրը Հայաստանի և հայերի մասին արևելյան միջնադարյան և նոր շրջանի աղբյուրների ուսումնասիրությունն է: Այդ կապակցությամբ պահանջվում է նաև Այսրկովկասյան երկրների և ժողովուրդների բազմալեզու սկզբնաղբյուրների վերծանությունը, թարգմանությունը և հետազոտությունը: Այդ աղբյուրները երեք բնույթի են՝ պատմողական, վիճակագիր և վավերագրական:

4. Աշխատանքի բովանդակությունը:

- Ծրագիրն իր մեջ ներառում է մի քանի ուղղություններ՝ Թուրքիայի, Իրանի, Կովկասի և Մաշրիքի արաբական երկրների քաղաքական, սոցիալական, մշակութային և էթնիկական պատմության հիմնախնդիրները և Հայաստանը, Միջազգային հարաբերությունները Մերձավոր և Միջին Արևելքում, Արևելյան Ասիայում, Հարավային Կովկասում և Հայաստանի Հանրապետությունը, Հին, միջնադարյան և նոր շրջանի արևելյան աղբյուրները Հայաստանի և հայերի մասին:
- Սույն Ծրագիրն իր բնույթով և հիմնախնդիրների ընդգրկումով, բազմապլանային է և ընդգրկում է ՀՀ արտաքին քաղաքականության համար քաղաքական, հասարակական, սոցիալական և տնտեսական կարևորագույն խնդիրներ:

- Մերձավոր և Միջին Արևելքի երկրները, որպես բազմաէթնիկ և բազմակոնֆեսիոնալ երկրներ, նրանց իրավական կարգավիճակը, սոցիալական դրությունը, էթնիկական ինքնության պահպանման այլ հարցեր, ուժացման գործընթացները, որոնք կարևոր նշանակություն ունեն այդ երկրների ներքաղաքական զարգացումները հասկանալու տեսակետից: Այդ հարցի հետ սերտորեն աղերսվում են հայ համայնքների պատմությունը, այդ թվում և ժամանակակից փուլում նրանց վիճակի, ներհամայնքային հարցերի և Հայաստանի Հանրապետության հետ կապերի զարգացման խնդիրները:
- Իրանը և իրանական պետական կազմավորումները միջին դարերում: Քաղաքական զարգացումներն Իրանում XIX-XX դարերում: Իրանը շահական վարչակարգի տապալումից և Իրանի Իսլամական Հանրապետության (ԻԻՀ) հռչակումից հետո: Իրանական աստվածապետությունը և Իսլամական հեղափոխությունից հետո կատարված կառուցվածքային փոփոխությունները: Իրանական իսլամական հեղափոխության արտահանման և ԻԻՀ-ն որպես աստվածապետության մոդելի հարցերը:
- Իրանի նշանակությունը Հայաստանի Հանրապետության տնտեսական զարգացման մեջ՝ թուրք-ադրբեջանական տնտեսական-կոմունիկացիոն շրջափակման պայմաններում: Հայ-իրանական տնտեսական համագործակցության ոլորտները և հեռանկարները: Հյուսիս-Հարավ միջանցքի ստրատեգիական նշանակությունը:
- Օսմանյան կայսրությունը, նրա ձևավորումը և դերը տարածաշրջանային զարգացումներում, մասնավորապես Մերձավոր Արևելքում և Բալկաններում: Օսմանյան կայսրությունը որպես բազմազգ պետություն, նրա պետական կարգը և սոցիալ-տնտեսական հարաբերությունների պատմության ուսումնասիրությունը: Ջարդերի և կազմակերպված կոտորածների քաղաքականությունը որպես Օսմանյան կայսրության պաշտոնական քաղաքականություն: Օսմանիզմը, պանիսլամիզմը և պանթուրքիզմը և ոչ թուրք ժողովուրդների բռնի թուրքացման և էթնիկապես «մաքուր» թուրքական պետություն ստեղծելու գաղափարախոսությունը: Հայոց ցեղասպանությունը՝ XX դարի առաջին ցեղասպանություն: Նրա պատճառները և հետևանքները:
- Թուրքիայի Հանրապետությունը, որպես Օսմանյան կայսրության իրավահաջորդ: Քեմալիզմը, նրա հիմնադրույթները և էությունը: Քեմալականների և բոլշևիկների կողմից Հայաստանի Հանրապետության մասնատումը: Զինվորականների գերակայող դերը Թուրքիայի Հանրապետության կառավարման համակարգում: Թուրքիայի քաղաքական կուսակցությունները: Պետական հեղաշրջումները և քաղաքական ու տնտեսական ճգնաժամերը Թուրքիայում XX դարի երկրորդ կեսերին - XXI դարի սկզբներին: Իսլամի դիրքերի ուժեղացումը: Հայաստանի Հանրապետության տնտեսական շրջափակումը Թուրքիայի կողմից:
- Հայ-արաբական առևտրատնտեսական հարաբերությունները, նրանց բնույթը, ներկա մակարդակը և զարգացման հեռանկարները Եգիպտոսի, Սիրիայի, Լիբանանի, Իրաքի, Հորդանանի և Պարսից ծոցի երկրների հետ:


- Արաբական Արևելքի երկրները, նրանց պետական կառուցվածքը և դրանց յուրահատկությունները, կառավարող էլիտաների սոցիալական կազմը և նրա ձևավորման ուղիները պատմական տարբեր ժամանակահատվածներում, զարգացման ուղիների ընտրությունը, սոցիալ-քաղաքական բուրգը և դրա բաղադրիչները, ժողովրդական զանգվածների տեղը և դերը քաղաքական և հասարակական կառուցվածքում, քաղաքական կուսակցությունները, հասարակական կազմակերպությունները, միությունները, մարդագրական գործընթացները, սոցիալ-տնտեսական հարաբերությունների զարգացման դինամիկան՝ գլոբալիզացիայի պայմաններում, տնտեսական գործոնի նշանակությունը միջարաբական հարաբերություններում: Միրիական ճգնաժամը և դրա ազդեցությունը տարածաշրջանային գործընթացներում:
- Իսլամի ակտիվացումը Մերձավոր և Միջին Արևելքի երկրների պետական, հասարակական, քաղաքական և մշակութային կյանքում և ակտիվացման պատճառները: Իսլամական միջազգային կազմակերպությունները և նրանց գործունեությունը Մերձավոր և Միջին Արևելքում: Նրանց ծրագրային պահանջները: Իսլամը և ահաբեկչությունը: Քաղաքակրթությունների երկխոսություն իսլամ - քրիստոնեություն փոխհարաբերությունների համակարգում:
- Տարածաշրջանի երկրների արտաքին քաղաքականությունը և նրանց հետ Հայաստանի երրորդ հանրապետության միջպետական հարաբերությունների ուսումնասիրությունը: Առանձնահատուկ տեղ կգրավի միջարաբական հարաբերությունների, Արաբական Արևելքի երկրների, Թուրքիայի և Իրանի արտաքին քաղաքականության վեկտորների և Հայաստանի հարաբերությունների հարցն իր անմիջական հարևանների՝ Իրանի և Թուրքիայի հետ:
- Արևելյան Ասիայի երկրների՝ Չնդկաստանի, Չինաստանի և Ճապոնիայի արտաքին քաղաքական և ստրատեգիական ուղղությունների հիմնահարցերը, այդ թվում նրանց աշխարհաքաղաքական շահերը Այսրկովկասում, Կենտրոնական Ասիայում և Մերձավոր ու Միջին Արևելքում: Այդ ուղղության բաղկացուցիչ մասն է կազմում Արևելյան Ասիայի հետ Հայաստանի քաղաքական, տնտեսական և պատմամշակութային հարաբերությունների ուսումնասիրությունը:
- Հարավային Կովկասի պատմության հիմնախնդիրների, հայ-վրացական պատմական առնչությունների ուսումնասիրում: Թյուրքական տարրի ներխուժումը և հաստատումը Հարավային Կովկասում, էթնոդավանական և մշակութային առնչությունների խնդիրը: Հայ ժողովրդի դերը Հարավային Կովկասի պատմական, քաղաքական, մշակութային, տնտեսական կյանքում: Հայ-ռուս-վրացական փոխհարաբերությունների պատմության ուսումնասիրությունը: Ադրբեջանի «պատմագիտական» կեղծարարությունների դեմ պայքարը:
- Հարավային Կովկասի աշխարհաքաղաքական նշանակությունը: Այսրկովկասյան երկրների փոխհարաբերությունները, հակամարտությունները և մեծ տերությունների քաղաքականությունը Կովկասում: Հայաստանի Հանրապետության հարաբերությունները

Վրաստանի և Ադրբեջանի հետ: Հայաստանի Հանրապետության տարածաշրջանային խնդիրների ուսումնասիրությունը: Ադրբեջանի Հանրապետության սոցիալ-տնտեսական, հասարակական, էթնո-դավանական հարցերի ուսումնասիրում:

- Այն հիմնախնդիրները, որոնք վերաբերում են ոչ թե մեկ առանձին երկրի կամ առանձին տարածաշրջանի, այլ ամբողջ այսրկովկասյան-մերձավորարևելյան-արևելասիական աշխարհաքաղաքական տարածքին: Դրանց թվին առաջին հերթին պատկանում է պանթյուրքիզի խիստ վտանգավոր տեսության և պրակտիկայի հարցը, որի հետևում կանգնած են Թուրքիան և պանթյուրքական ուժերը:
- Մեպագիր աղբյուրներով ավանդված քաղաքակրթությունների պատմության հետազոտումը և դրանց՝ հայ ժողովրդի և Հայաստանի հնագույն և հին դարաշրջանի պատմության հետ առնչության համակողմանի ուսումնասիրությունը:
- Արևելյան միջնադարյան և նոր շրջանի աղբյուրներ (պատմողական, վիմագիր և վավերագրական)՝ արաբական, թուրքական, պարսկական, այդ թվում և սասանյան շրջանի, հունական, ասորական և վրացական սկզբնաղբյուրների ուսումնասիրությունը և նրանց հայերեն թարգմանությունը:
- Հայատառ թուրքերենի որպես մի ինքնատիպ մատենագրության ուսումնասիրությունը:
- Քուրդ ժողովրդի պատմության, հայ-քրդական պատմամշակութային կապերի, քաղաքական հարաբերությունների հետազոտում: Եզդիների կրոնը, մշակույթը և պատմությունը:

5. Ակնկալվող արդյունքները. Web of Science, Scopus միջազգային գիտատեղեկատվական շտեմարաններում ընդգրկված ամսագրերում գիտական հոդված, Book Citation Index հրատարակիչների ցանկում ներառված հրատարակչություններում հրատարակված մենագրություն, կոլեկտիվ մենագրություն կամ գիտական հրապարակում, գրքի զլուխ կամ հոդված ժողովածուում:


Կազմակերպության
տնօրեն՝



(ստորագրություն)

(Ռոբերտ Ղազարյան)

Ծրագրի գիտական ղեկավար՝



(ստորագրություն)

(Ռոբերտ Ղազարյան)



ՕՐԱՑՈՒՑԱՅԻՆ ՊԼԱՆ*


«Հին, միջնադարյան և նոր շրջանի արևելյան աղբյուրները Հայաստանի և հայերի մասին: Թուրքիայի, Իրանի, Կովկասի և Մաշրիքի արաբական երկրների քաղաքական, սոցիալական, մշակութային և էթնիկական պատմության հիմնախնդիրները և Հայաստանը: Միջազգային հարաբերությունները Մերձավոր և Միջին Արևելքում, Արևելյան Ասիայում, Հարավային Կովկասում և Հայաստանի Հանրապետությունը» ծրագրի

h/h	Իրականացվելիք միջոցառման					
	անվանումը	համառոտ բովանդակությունը	կատարման ենթակա գործառնությունների նկարագիրը	ակնկալվող արդյունքները, դրանց որակական և քանակական ցուցանիշները (այդ թվում՝ Հավելված N 2-ի 5-րդ կետում նշված ակնկալվող արդյունքները)	կատարման ժամկետները	պահանջվող գումարը (հազար դրամ)
	Ոչին, միջնադարյան և նոր շրջանի արևելյան աղբյուրները Հայաստանի և հայերի մասին: Թուրքիայի, Իրանի, Կովկասի և Մաշրիքի արաբական երկրների քաղաքական, սոցիալական, մշակութային և էթնիկական պատմության հիմնախնդիրները և Հայաստանը: Միջազգային հարաբերությունները Մերձավոր և Միջին Արևելքում, Արևելյան Ասիայում, Հարավային Կովկասում և Հայաստանի Հանրապետությունը»	Ծրագիրն իր մեջ ներառում է մի քանի ուղղություններ՝ Թուրքիայի, Իրանի, Կովկասի և Մաշրիքի արաբական երկրների քաղաքական, սոցիալական, մշակութային և էթնիկական պատմության հիմնախնդիրները և Հայաստանը, Միջազգային հարաբերությունները Մերձավոր և Միջին Արևելքում, Արևելյան Ասիայում, Հարավային Կովկասում և Հայաստանի Հանրապետությունը, Հին, միջնադարյան և նոր շրջանի արևելյան աղբյուրները Հայաստանի հայերի մասին: Մույն Ծրագիրն իր բնույթով և հիմնախնդիրների ընդգրկումով, բազմապլանային է և ընդգրկում է ՀՀ արտաքին		Հրապարակումների տեսքով ներկայացնել արդյունքները գրախոսվող ամսագրերում, հաստատված զիտական խորհրդի կողմից:	01.01.2022 թ.- 30.12.2022 թ.	145.229.100

* Իրականացվելիք միջոցառումները ներկայացնել եռամսյակային փուլերով


		քաղաքականության համար քաղաքական, հասարակական, սոցիալական և տնտեսական կարևորագույն խնդիրներ				
Ընդամենը						145.229.100

Կազմակերպության
տնօրեն՝


(ստորագրություն)

(Ռոբերտ Ղազարյան)
(անուն ազգանուն)

Ծրագրի գիտական ղեկավար՝


(ստորագրություն)

(Ռոբերտ Ղազարյան)
(անուն ազգանուն)




ՆԱԽԱՀԱՇԻՎ

«Հին, միջնադարյան և նոր շրջանի արևելյան աղբյուրները Հայաստանի և հայերի մասին: Թուրքիայի, Իրանի, Կովկասի և Մաշրիքի արաբական երկրների քաղաքական, սոցիալական, մշակութային և էթնիկական պատմության հիմնախնդիրները և Հայաստանը: Միջազգային հարաբերությունները Մերձավոր և Միջին Արևելքում, Արևելյան Ասիայում, Հարավային Կովկասում և Հայաստանի Հանրապետությունը» ծրագրի

հազար դրամ


Հ/հ	Հոդվածի անվանումը	Ֆինանսավորման ծավալը	այդ թվում՝			
			1-ին եռամսյակ (20%)	2-րդ եռամսյակ (25%)	3-րդ եռամսյակ (25%)	4-րդ եռամսյակ (30%)
1	աշխատավարձ՝ ներառյալ եկամտային հարկը	133.729.1	26745.8	33432.3	33432.3	40118.7
2	տնտեսական և այլ ծախսեր	11.500.0	2300.0	2875.0	2875.0	3450.0
ԸՆԴԱՄԵՆԸ		145.229.1	29045.8	36307.3	36307.3	43568.7

Կազմակերպության տնօրեն՝


(ստորագրություն)

(Ռոբերտ Ղազարյան)
(անուն ազգանուն)

Կազմակերպության գլխավոր հաշվապահ՝


(ստորագրություն)

(Կարինե Ստեփանյան)
(անուն ազգանուն)



ՆԱԽԱՀԱՇՎԻ ՏՆՏԵՍԱԿԱՆ ԵՎ ԱՅԼ ԾԱԽՄԵՐ

Հ/հ	Ծախսերի անվանումը	Ֆինանսավորման ծավալը, առանց ԱԱՀ (հազար դրամ)
1	Կոմունալ ծառայություններ, այդ թվում՝	4195.6
	էլեկտրաէներգիայի ծառայություն	1396.7
	գազի ծառայություն	1756.0
	ջրամատակարարման ծառայություն	285.2
	կապի ծառայություն	757.7
	աղբահանություն	
2	Գույք	350.0
3	Սարքեր և սարքավորումներ	500.0
4	Նյութեր	1350.0
5	Գործուղումներ	450.0
6	Գիտական միջոցառումների կազմակերպում	500.0
7	Արշավախմբեր	
8	Հրատարակման ծախսեր	2500.0
9	Այլ ծառայությունների ձեռքբերում	1654.4
Ընդամենը		11500.0

Կազմակերպության տնօրեն՝

(ստորագրություն)

(Ռոբերտ Ղազարյան)

Կազմակերպության
գլխավոր հաշվապահ՝

(ստորագրություն)

(Կարինե Ստեփանյան)

